



العمة أميركا

مين يقدر منّا ويقول لأ
للعمة أميركا أم الحق
مين منا عايز يتهان
أو ينضرب أو يتهزأ
و يضحي بكرسي
أو طربوش
دا احنا معاك
ع الوعد يا بوش
دا احنا معاك
ع الوعد يا بوش
و اجتماعاتنا
فش فشوش
ورق في الشنطة

وزيف وأونطة
وحبر في لحظة
يدوب و ييوش
دا احنا معاك
ع الوعد يا بوش
لازم نجري
و نعمل قمة
لاجل الأمة
ما تلبس عمة
نهدي الشعب
، نهدي الهمة
وتعدي المحنة
واحنا وحوش

دا احنّا معاك
ع الوعد يا بوش
عذب اضرب
هد وخرّب
واحنّا هنبعد
مش هنقرب
ولا هنحوش
دا احنّا معاك
ع الوعد يا بوش